

SARS e dira kgopelo ya lifi ya go dira boipiletšo bja kahlolo ya la 16 Nofemere 2021

30 Nofemere, 2021 – Khomišinare wa Ditirelo tša Motšhelo tša Afrika Borwa, Mrn. Edward Kieswetter, ka morago ga go tšea maele a semolao ka hloko, gammogo le keletšo go tšwa go komiti ya mmušo ya SARS, o dumetše gore SARS e swanetše go dira kgopelo ya lifi ya go dira boipiletšo bja kahlolo ya la 16 Nofemere 2021 ka morero wa Arena Holdings.

SARS e dira boipiletšo bja taelelo gomme e kgatlhana le tiišetšo ya Kgorotsheko ya Molaotheo ya go se latele molaotheo wa Molao wa Tšweletšo ya Phihlelelo ya Tshedimošo le Molao wa Taolo ya Motšhelo.

Kahlolo bjale ka ge e le maemong a, ge e ka tlogelwa e sa tlhotlhwe, e ka nyatša molawana wa sephiri sa tshedimošo ya molefela motšhelo, eo e lego kotse yeo mošomo wa SARS le ditaolelo tše dingwe tša ditšhabatšhaba tša motšhelo di theilwego.

“Setšhaba se ka tiišetšwa gore SARS e tla emela molawana wa sephiri legatong la molefela motšhelo yo mongwe le yo mongwe. Molefela motšhelo yo mongwe le yo mongwe o a lekana pele ga molao, gomme re tla diriša melao ya maleba ka SARS ntle le go fiega, rerelela goba go kgetholla,” gwa bolela Khomišinare Kieswetter.

Bjale ka ge morero wo o le maatleng a dikgorotsheko, SARS e tla tlogela go bolela go ya pele.

Go hwetša tshedimošo enngwe, ka kgopelo ikgokaganye le SARS go SarsMedia@sars.gov.za